

amokoadha tapapaelanata lo maolohongai?

mokelangai aolrolai 'i vecahae gako 'a olriho'onga 'apikaa'aa'a.

aanai 'a patalaki 'alilroolai paoleke ma'oalaingai, ma'iivaingai talrivataeni.

lo mokelangata toramangele caili pavalrilo toramapo'ale caili,

apahadhaolo 'aliki takalrima volrilo takapito caili. 'ina a'ivivia

padhaadhalro'ine a'olalai papaela. kasakaine ka ocao tai'a ana, omi'aa

takapaholahoolaiinga!

mokelangai dhona caili 'a papaelanga votolro'ota, tai'aeni 'aolai

la 'avai, 'iidhemeta la tapa'iidheedhedhemaeta. toramoro ka matoalrai

tapapaelaeni votolro'ota. 'aadhaanaenga takavotolroa'eni, takaolohaeni

poelre ma'akaelenga, kaparananae mokavole takaicongaedha 'aolai la 'avai

tapapaelaeni. topatilainga 'apososo a'ivivai, 'akosi'isi'inginga 'akodhadhao

colo'olraeni, malripala'anga icini, mani topatilainga 'ikelren. la topatilainga

a'olalai 'apongi'angi'i, 'akodhe'edhe'ele colo'olraeni, malripala'anga

aliadhangaeni.

na'idhedhemengai papaelaanga. todhe'elrehenga takaocaeni

la ta'amacaeni, madhalame 'inikalangeangeae, 'ataloaketaekai

ka 'iidhemeni, kinalriho'onga apa'iidhedheme. dhomanae 'a 'apikaa'aa'a. lo

mokesangai mamangele la kavalro volrilo 'akamapo'ale caili,

mokelaanga 'alekalekataeni hoolrice caili, la topodhaolaenga masavare,

mavalrovalro.

kanani toloraeeni madhalame ma'akaelere savare la valrovalro,

ma'akaelela taiaiaeni. omiki taia 'ina “amokatakolra lo'oni.” omikii taia 'ina

“odholro pasopalra lokeve cinekelae lo mamoonongongai.” la iiki taia 'ina

“iraki lo maongonae naolokeve ta'omaca 'i lroolai” omi. la niomi'o?

(文章大意 僅供參考) ※字數限 200 字

長大會發生哪些變化？

孩子們到了國中階段，懂了些談戀愛的滋味。這是指從孩童轉變為男性女性的過程。不只人類，其他動物也都有青春期的呢！到了這個年齡，體格、性別特徵、心理及思想等都會改變。除了變高、變重之外，女生和男生也有許多不同的變化。在心理上也會出現變化。青少年往往會特別在意自我形象，渴求獨立，情緒的起伏比較大，思想變得更成熟。等到 18 或 20 歲青春期末結束時，大約也就是法律上所認定的成人年齡了。